

քուրդ աղաները, սգովելով սուլթանի հովանավորությունից ու պաշտպանությունից, ինչպես կոտորածների տարիներին, այնպես էլ դրանից հետո բռնազորավեցին հայկական հողերը և դարձան ընդարձակ կալվածքների տերեր։ Աղլեկազում հուլավեց Քոռ Հյուսիսի փաշան, Արճեշում՝ Նրա ազգակից էմին փաշան, Խիզանում՝ շեյխ Սեիդ Ալին, Կարճկանում՝ Մուսա բեյը, Խարզանում՝ Բշարե Չաֆն, Շատախում՝ Շաքիր աղան, Զիուրում՝ Կասրմ (Ղասրմ) բեյը, Դիարբեքիի հարավում՝ Իբրահիմ փաշան և շատ ուրիշներ¹¹¹։ Այդ փաշաներն ու աղաները միաժամանակ իրենց իշխանությունը տարածեցին Ֆեոդալական կախումից տակավին ազատ արևմտահայ գյուղացիների վրա և դարձրին նրանց իրենց ճորտերն ու կիսաճորտերը 1900 թ. վ. Տ. Մաևսկին նշում էր, որ վանի նահանգում «վերջին երկու տարվա իրադարձությունները բազմաթիվ հայկական գյուղեր, հատկապես առանձին օկրուգներում, դրեցին տեղական քրդերից (իմա՝ ցեղապետերից) ուղղակի ենթակա դրույթան մեջ»¹¹²։ Ա-Դոն ջարդերից հետո ընկած ժամանակաշրջանը բնութագրում է որպես «լուռ» ժամանակաշրջան, որի ընթացքում տեղի ունեցան այնպիսի բռնություններ և հարստահարումներ, որոնք «միանգամայն մոռացնել տվին նախկինը... Այդ լուռ շրջանում... յուրաքանչյուր գյուղ, որ մինչ այդ ազատ էր մնացել աղալից կամ բեկից, եկավ այս կամ այն ազդեցիկ քուրդը... և իրեն հայտարարեց այդ գյուղի աղան կամ բեկը... տարրական պարտականությունը դարձավ ձրի վարել, ցանել աղալի հողերը, հնձել արտը, ծնծել ցորենը, դաշտից տուն բերել խոտը...»¹¹³։

Թուրքական կառավարությունն ու աղաները բնաջնջելով ու արտաքսելով հայ գյուղացիներին, նրանց ծաղիկող դաշտերը վեր էին ածում արոտավայրերի և այգիների երկրի գյուղատնտեսությունը ետ տանում դեպի հետամնաց ավատատիրություն։

Այսպիսով, թուրքական կառավարության որդեգրած ցեղասպանության քաղաքականությունը, դաժան հալածանքներն ու ճնշումները երկիրը հասցրին քայքայման ու կանգնեցրին տնտեսական ու քաղաքական խորը ճգնաժամի առջև։

7. ՀԱՅԿԱԿԱՆ ԶԱՐԴԵՐԸ ԵՎ ՄԵՆ ՏԵՐՈՒԹՅՈՒՆՆԵՐԻ ՔԱՂԱՔԱԿԱՆՈՒԹՅՈՒՆԸ

90-ական թվականներին սուլթանական Թուրքիայում ստեղծված հայ ժողովրդի ֆիզիկական ոչնչացման վտանգը հետևանք էր մեծ տերությունների թողնվածության պայմաններում թուրքական կառավարության շովինիստական քաղաքականությունը։ Սուլթանը առաջին հերթին խնդրի դրեց, մեծապետական քաղաքականություն վարելով, հայ ժողովրդին տնտեսապես քայքայել և ազգային խտրականության միջոցով նպաստել թուրք ու քուրդ ավազանու հզորացմանը։ Թուլացնելով, ունիդիկելով, դանդաժալին ջարդեր կազմակերպելով, սուլթանական կառավարությունը հետապնդում էր միաժամա-

¹¹¹ Տե՛ս Ա. Ս. Համբարյան, Ազրբայժի հարաբերությունները Արևմտյան Հայաստանում (1856—1914), էջ 200—216։

¹¹² В. Т. Маевский, Ванский вилайет. Военно-статистическое описание, Тифлис, 1901, стр. 188.

¹¹³ Ա-Դոն, նշված աշխ., էջ 320—321։

նակ հայկական հարցը միջազգային դիվանագիտությունից հանելու խնդիրը՝ Մարքսիզմի կրասիկները դատապարտում էին թուրքական դեսպոտիզմը և ամբողջովին պաշտպանում հայ և ճնշված այլ ժողովուրդների ազգային-ազատագրական շարժումները, մերկացնում անգլիական և մյուս գաղութարարներին, նրանք բացահայտում էին գաղութարարների հեռու գնացող զավթողական պլանները Եգիպտոսում և Մերձավոր Արևելքի այլ երկրներում, անվստահությամբ էին վերաբերվում հայ ժողովրդին ազատագրելու ցարիզմի «ձգտումներին» նկատմամբ և հայ ժողովրդի ազատագրումը կապում էին ռուսական հեղափոխության հաղթանակի հետ։

Մեծ տերությունները ղեկավարվում էին միմիայն իրենց շահագիտական նպատակներով։ Անգլիայի նպատակն էր, օգտվելով ստեղծված ճգնաժամային վիճակից, գրավել Եգիպտոսը։ Նա դժգոհ էր, որ այդ շրջանում Թուրքիայում ուժեղացել էր Ռուսաստանի, Ֆրանսիայի և Հատկապես Գերմանիայի ազդեցությունը։ «Անգլիական կառավարությունը հայերի օգտին իր միջամտությամբ ցանկանում էր վախեցնել սուլթանին և ստիպել նրան հաշտվել Եգիպտոսի օկուպացման փաստի հետ, ցարական ու կայսերական բարեկամությունը փոխարինել բրիտանականով»¹¹⁴։ Այդ ժամանակաշրջանում սրվեցին անգլո-ամերիկյան հարաբերությունները և մեղմացան Անգլիայի և Ռուսաստանի փոխհարաբերությունները։ Անգլիան ցանկանում էր պայմանավորվել Ռուսաստանի հետ Թուրքիայի մասնակի բաժանման մասին, որպեսզի նա ճանաչի Անգլիայի տիրապետությունը Եգիպտոսում։ Դրա փոխարեն Անգլիան Ռուսաստանին և Թուրքիային իրար հետ զժտեցնելու նպատակով «համաձայնվում» էր Արևմտյան Հայաստանը Ռուսաստանի կողմից օկուպացնելուն։ Մական ռուս-թուրքական պատերազմից հետո ցարական Ռուսաստանի հիմնական նպատակը նեղուցներին տիրելն էր, դրանք իր ազդեցության տակ պահելու։ «Նա զերադասում էր օգնել սուլթանին, որպես Միջերկրականից Սև ծով տանող դարպասի պահակ»¹¹⁵։ Ահա թե ինչու «ցարական կառավարությունը այն ժամանակ այնքան էլ շահագրգռված չէր Հայաստանը գրավելու»¹¹⁶, իմանալով, որ Անգլիան ամեն կերպ ցանկանում է վատացնել Ռուսաստանի և Թուրքիայի հարաբերությունները։

1894 թ. օգոստոսին Սասունի կոտորածների կապակցությամբ անգլիական կառավարությունը առաջարկեց օտարերկրյա հյուպատոսների օգնությամբ իրավիճակն ստուգել տեղում, իսկ 1895 թ. փետրվարին բարենորոգումների ծրագիր ներկայացվեց, պահանջելով սուլթանից այն իրադրոժել։ Գերմանիան դեմ դուրս եկավ այդ առաջարկին, քանի որ նա ձգտում էր իր ազդեցությունն ուժեղացնել Թուրքիայում և այնտեղ իր կապիտալը ներդնել՝ երկաթուղային խոշոր շինարարություն կատարելու, արդյունաբերական այլ ձևոնարկություններ կառուցելու նպատակով։ Գերմանական ռազմական մասնագետները հրահանգավորում էին թուրքական բանակը և ամենուր ուժեղացնում իրենց ազդեցությունը։

Ցարական կառավարությունը և նրա ֆրանսիական դաշնակիցները ռեֆորմներ անցկացնելուն դեմ չէին, բայց չէին ցանկանում, որ Անգլիան հան-

¹¹⁴ «История дипломатии», т. II, стр. 334.

¹¹⁵ Նույն տեղում, էջ 334.

¹¹⁶ Նույն տեղում, էջ 335.

դեպքերում որպես նախաձեռնող, Հատկապես Ֆրանսիային մտահոգում էր Անգլիայի ամրանալը Եգիպտոսում, ուստի նա ամեն կերպ ոգևորում և պաշտպանում էր Թուրքիայի դիմադրությունը Անգլիային: Ահա թե ինչու «1894—1896 թթ. հայկական զործերին խառնվող երեք տերությունների միջև պայքար էր սկսվել. անգլիական կառավարությունը ձգտում էր ուժեղացնել ճրնշումը սուլթանի նկատմամբ, իսկ ռուսներն ու ֆրանսիացիները պահանջները հասցնում էին նվազագույնի»¹¹⁷, ցանկանալով ամեն կերպ թուլացնել Անգլիայի ազդեցությունը Թուրքիայում:

Հայկական կոտորածները և Թուրքիայում քրիստոնյաների դեմ մոլեգնալ ընդհանուր պայքարը ոչ միայն թուրք ջարդարարների ավանդական քաղաքականության հետևանքն էին, այլ նաև XIX դարի վերջին Օսմանյան կայսրության, այդ «հիվանդ մարդու» ներքին ճգնաժամի և անկման արտահայտություններ: Անգլիային-ազատագրական պայքարը Բալկաններում, արաբական աշխարհում և Հայաստանում մեծ հոգսեր էին պատճառում առանց այն էլ տնտեսապես ու քաղաքականապես թուլացած պետական իշխանությունը: Երկրում ստեղծված տնտեսական և քաղաքական ճգնաժամից դուրս գալու ելքն արյունոտ սուլթանը գտնում էր միապետության ամրապնդման, ազգային-ազատագրական շարժումներն արյան մեջ խեղդելու մեջ: Նրա սրբազորած զենոցիդի պետական քաղաքականությունը և հայ ժողովրդի զանգվածային ջարդերը համալրվեցին ընդհանուր վրդովմունք առաջացրին համաշխարհային հասարակայնության լայն շրջաններում:

Եվրոպական տերությունները բանակցություններ էին վարում Հայկական հարցի շուրջը, վեց վիլայեթներում ռեֆորմների անցկացնելու վերաբերյալ, մինչդեռ հայ ժողովուրդը ոչնչանում էր «սրի, կրակի, կողոպտման միջոցով թուրք կառավարության իսկ ձեռքով...»¹¹⁸:

1896 թ. օգոստոսին Կ. Պոլսում կատարված ջարդերին ակնատեսն եվրոպական ղեկավարները Արդուլ Համիդին մի «սպառնալից» հեռագիր հղեցին: Արյունոտ սուլթանն իր գործը կատարելուց հետո նրանց պատասխանեց. «Կարգը վերականգնված է»: Դրանով էլ ղեկավարները բավարարվեցին, բայց հենց նույն ժամանակ երկրի տարբեր մասերում նոր ջարդեր սկսվեցին:

Չնայած այդ դառն փորձերին հայ քաղաքական կուսակցությունները հայ ժողովրդի հույսը դարձյալ կապում էին մեծ տերությունների օգնության հետ: Այդ տեսակետից հատկապես վնասակար դեր էր խաղում դաշնակցությունը:

1898 թ. դաշնակցության առաջնորդներից Բ. Միքայելյանը Թիֆլիսից Ժնև է տեղափոխվում և դիկտատորական իրավունքներով ցանկանում է վերականգնել անկման ուղին բռնած կուսակցությանը: Նա որոշ բայեր է անում ավելի ճկուն դարձնելու դաշնակցության և նրա օրգան «Դրոշակի» վարած քաղաքականությունը: Առաջին հերթին նա վերջ է տալիս եվրոպական դիվանագիտության հասցեին արվող քննադատությանը և հայտարարում, որ մեծ տերությունները «Իրենց որոշ դիտումները առաջ տանելու նպատակով՝ կարող են շատ բան անել մեզ համար»¹¹⁹:

Աշխատանք է տարվում մեծ տերությունների պետական, ինչպես նաև

¹¹⁷ Նույն տեղում:

¹¹⁸ «Արաբա», գիրք Բ, էջ 155:

¹¹⁹ «Դրոշակ», 1899, № 2:

ականավոր հասարակական գործիչների հետ հանդիպումներ ունենալու, մտքեր փոխանակելու և նրանց կարծիքները Հայկական հարցի մասին մամուլում տպագրելու ուղղությամբ: Այդ բոլորի համար մեծ գումարներ էին հարկավոր և Ք. Միքայելյանն իր «Պատմական շարիք» հոգովածում դատապարտում է հայ հարուստներին, որոնք միջոցներ չեն հատկացնում: Միջոցներ հայթայթելու համար դաշնակցությունն ստեղծում է հատուկ ահաբեկիչ «Փոթորիկ» խումբ, որի միջոցով հարկադրում է առանձին անհատների գումարները հատկացնել իրեն: Այդ միջոցներով հավաքված գումարներով Փարիզում սկսում է ֆրանսերեն լեզվով լույս տեսնել «Պրո Արմենիա» թերթը, որի էջերում, հօգուտ Հայկական հարցի, հանդես են գալիս ժողովուրդը, կլեմանսոն, Բրիանը, Պրեսանսեն և ուրիշներ: Ֆրանսիական պառլամենտի սոցիալիստ անդամները խնդիր էին դնում հարցապնդումներ անել Հայկական հարցի վերաբերյալ և հարմար առիթով դիմումներ ուղարկել մյուս կառավարություններին: Սոցիալիստներն իրոք որ նման կարգի հարցապնդում կատարեցին Ֆրանսիայի պառլամենտում, Գերմանիայի ռախստազում, բայց որևէ հաջողության չհասան: Ինքելը նշում էր, որ անհնարին է հայերի օգտին որևէ բան անել գերմանական ռախստազում¹²⁰:

Օգտվելով օսմանյան բանկի գրավման փորձից հետո ստեղծված խառը վիճակից, 1896 թ. օգոստոսին անգլիական նավատորմի ղեկավար Միչեքերական ծովից ուղղություն վերցրեց՝ նեղուցները մտնելու մտադրությամբ: Օսմանյան կայսրության մայրաքաղաքում իրարանցում սկսվեց: Սուլթանը, դիմելով Ռուսաստանի ղեսպան նեխիզովին, խնդրեց օգնել պաշտպանելու Դարդանելը: Ռուսական կառավարությունը, որ մեծ վտանգ էր տեսնում դրանում, հասցնեալ միջոցների դիմեց, հայտարարելով Անգլիային, որ թույլ չի տա բրիտանական նավատորմի ղեկավար մտնելու նեղուցները¹²¹: Հակառակ ղեկավարում նա սպառնում էր իր սեծովյան նավերը մտցնել Բոսֆոր: Նման բարդ իրադրության պայմաններում Անգլիան զգուշացավ ուղղակի հարձակումից: Ֆրանսիան նույնպես իր հետաքրքրություններն ուներ Թուրքիայում, որտեղ ներգրավված էր 3 միլիարդ ֆրանկ, կամ նրա արտահանվող կապիտալի 10% -ը¹²²:

Անգլիան տեսնելով, որ ուժի դիրքերից չկարողացավ հասնել իր նպատակին, 1896 թ. դեկտեմբերի 20-ին դիմեց մեծ տերություններին՝ մշակելու բարեփոխությունների ծրագրի նախագիծ ոչ միայն հայկական վիլայեթների, այլև ամբողջ Թուրքիայի համար: Անգլիական ղեկավանդիտությունն այդ կերպ ցանկանում էր Թուրքիայի վրա ճնշում գործադրել և կարել նրան ուս-Ֆրանսիական և գերմանական ազդեցությունից: Աբդուլ Համիդը շատ խորամանկորեն կարողանում էր օգտագործել մեծ տերությունների հակասությունները: Նա մի կողմից ընդունում էր ուս-Ֆրանսիական և մյուս կողմից գերմանական կողմնորոշում, միաժամանակ վախեցնում էր և մեկին և մյուսին Անգլիայի հետ մտերմանալու սպառնալիքով: Սուլթանն այդ ճկուն ղեկավանդիտությամբ կարողացավ Թուրքիան դուրս բերել ծանր դրությունից և պահպանել ծայրահեղ հետամնաց ֆեոդալական միապետական կարգը:

1896 թ. հետո Թուրքիայի արտաքին գործերի մինիստրի օգնական Հարու-

¹²⁰ ՏՃ՝ Ան, Թուրքահայ հեղափոխության զաղափարաբանությունը, հ. Բ, էջ 34:

¹²¹ ՏՃ՝ ՌԱՔԱՖ. Գրասենյակ (կանցկարի), 1896 թ., գ. 29, ք. 240, դ. 28, ք. 371:

¹²² ՏՃ՝ «История дипломатии», т. II, стр. 339.

թյունն փաշա Տատյանը փորձեր արեց սուլթանին համոզելու կարգավորել հարաբերությունները հայերի հետ, անցկացնել բարենորոգումներ առանց մեծ տերությունների միջամտության¹²³։ Այդ նպատակով հատուկ ներկայացուցիչներ ուղարկվեցին ժենև՝ բանակցելու դաշնակցության հետ. դրանք որևէ արդյունքի չհասցրին։

Անգլիան, Ֆրանսիան և Նոր ասպարեզ եկած Վիսկոնսինիստական զիշատիչ Գերմանիան, իրենց գաղութատիրական մրցավազքում ոչ մի բանի առջև կանգ չէին առնում և փոքր ժողովուրդներին զոհարեցնելու զնով հասնում էին իրենց նպատակին։ Այդպես վարվեցին նրանք արևմտահայության հետ։ Թուրքիան կարևոր կամուրջն էր զնայի արևելք տանող գաղութային երկրները և Ռուսաստանի դեմ մի պատնեշ, որը թույլ չէր տալիս նրան առաջանալու զնայի եվրոպական տերությունների Ասիայի ու Աֆրիկայի գաղութները։ Գերմանիայի հետևանքանցող ստրատեգիական պլաններում, հատկապես Բաղդատի երկաթուղու կառուցման դործում, Թուրքիան կարևոր դեր ուներ կատարելու։ Այդ նպատակով էլ Վիլհելմ II կայսրը Թուրքիա ժամանելով, արյունոտ սուլթանին Գերմանիայի բարեկամ հայտարարեց։ Այդ բխում էր նրանից, որ Թուրքիան, — գրում է կայսերական պետական քարտուղար Բերնհարդ Բյուլովը, — մեզ համար ներկայացնում է տնտեսական, ռազմական, ինչպես նաև քաղաքական հետաքրքրություն»¹²⁴։

Օրավուր խորացող անգլո-ռուսական և ավստրո-հունգարական հակամարտություններն ալելի էին ուժեղացնում գերմանա-թուրքական մտերմությունը։ Այդ մտերմությունն այնքան ուժեղացավ, որ սուլթանը իր զորքերը դրեց գերմանական զինվորական միսիայի հսկողության տակ, այն վերականգնելու և վերադնելու նպատակով։ Գերմանիան սկսեց զենքով ապահովել սուլթանի բանակը և իր տնտեսական ու քաղաքական ազդեցությունն ամրապնդեց ամբողջ Թուրքիայում։ Այդ հանգամանքն անհանգստացնում էր ցարական Ռուսաստանին, որը Գերմանիային զսպելու համար դեռևս 1893 թ. կարողացավ ավստրո-ռուսական համաձայնագիր կնքել Բալկաններում գոյություն ունեցող վիճակը պահպանելու համար, իսկ 1900 թ. հատուկ համաձայնագիր կնքվեց Թուրքիայի և Ռուսաստանի միջև, որի համաձայն Կովկասին սահմանակից շրջաններում ուրիշ պետությունների արգելվում էր երկաթուղի և այլ ճանապարհների կառուցել, ինչպես նաև կոնցեսիաներ վիճցնել։

Ֆրանսա-ռուսական 1892—1893 թթ. համաձայնագիրը ևս ուղղված էր եվրոպական մյուս տերությունների դեմ։ Նման վիճակը հայ ժողովրդին կանգնեցրեց ծանր կացության առջև։ Հայաբնակ վայրերի համարյա մեծ մասը ավերվել էր, բնակչությունը՝ սնանկացել, արտադրությունը, արհեստներն ու առևտուրը՝ կանգ առել, գյուղատնտեսական զործիրները ոչնչացվել։ Փրկության միակ հույսը դրսից սպասվող օգնությունն էր, իսկ «օգնող» տերությունները միայն խաղախ խաղեր էին խաղում։

Կոստանդնուպոլսի ռուսական ղեկավար Նեկիդովը իր կառավարությանը հաղորդում էր հայերին օգնելու համար նյութական միջոցներ հավաքելու մասին։ Տարբեր երկրներից բարեիրարները օգնության ձեռք էին մեկնում մուրա-

123 Տե՛ս Ան, Թուրքահայ հեղափոխության գաղափարաբանությունը, հ. Բ, էջ 41։

124 Б. Булов, Внешняя политика Германии, Одесса, 1915, стр. 45.

ցիկ Հայ մանուկներին ու այրիներին: Կոտորածից հետո որք երեխաների թիվն անցնում էր 50 հազարից:

Բելյուսի ռուսական հյուպատոսը 1898 թ. սեպտեմբերի 12-ին հաղորդում էր, որ թուրքական կառավարությունը էրզրումի, Բիթլիսի և Վանի վիլայիթների կոտորածի հետևանքով ազատված հայկական հողերը թուրքերով բնակեցնելու համար լայն աշխատանք է ձեռնարկում: Այդ վիլայիթները տեղափոխվող թուրքերին արտոնություն էր տրվում. նրանք 10 տարով ազատվում էին դինվորական ծառայությունից, ստանում էին հայերի լավ մշակած հողամասերը, իրենց և ընտանիքների տեղափոխման համար պետությունը միջոցներ էր տրամադրում և այլն¹²⁵:

Ռուսական կայսրությանը սահմանակից վիլայիթները թուրքերով բնակեցնելու, Ռուսաստանին անձնվիրաբար նվիրված հայկական տարրը ոչընչացնելու նման քաղաքականությունն օրինական անհանգստություն էր առաջացնում Ռուսաստանի պետական ու ռազմական շրջաններում: Եվ դա, իրոք, մեծ կորուստ էր Ռուսաստանի համար. հայերը մի անգամ չէ, որ զորավիգ են եղել ռուսական զինքին: Կոստանդնուպոլսում ռուսական գեսպան Ջինովեր 1899 թ. հոկտեմբերի 2-ին, նշելով, որ հայերի նկատմամբ ոստիկանական ճնշումներն ու հալածանքները շարունակվում են, կրկին ընգծում է, որ հեղափոխական կոմիտեներին պատկանելու պատրվակով բազմաթիվ հայեր նետվում են բանտերը: Երկրի ներսում հայերի տեղափոխումների և երթևեկությունների համար մեծ խոչընդոտներ են ստեղծվում: Կոստանդնուպոլիս և այլ քաղաքներ այցելող ամեն մի հայ անմիջապես ոստիկանատուն է ընկնում և հալածվում: Սմատունում և Տրապիզոնում ձերբակալվել են հարյուրի չափ երիտասարդներ, որոնք զայրոցական արձակուրդներն իրենց ծնողների մոտ անցկացնելուց հետո ցանկացել էին վերադառնալ Կոստանդնուպոլիս՝ ուսումը շարունակելու¹²⁶: Բազմաթիվ փաստաթղթերում և տարբեր երկրների պետական ու դիվանագիտական դրազրություններում շնչումում է, որ հայկական կոտորածներն ու թուրքիայի վարած ցեղասպանությունն ընդարձակությունը մեծ վնաս հասցրին երկրի տնտեսությանը, ներքին և միջազգային առևտրական հարաբերություններին: «Նման դրությունը հայերի տնտեսական վիճակը քայքայելու հետ մեկտեղ,— գրում է Ջինովեր,— ոչ պակաս բացասաբար է անդրադառնում նաև Թուրքիայի վրա, որտեղ հայերը հնուց ի վեր հանդես են գալիս որպես երկրի ամենազործունյա առևտրական մասը: Չնայած դրան, սուլթանը համառորեն շարունակում էր իր ընտրած քաղաքականությունը»¹²⁷:

Հայ ժողովրդի ազատագրման ուղիներն ու միջոցները լայնորեն բննարկվում էին թե՛ հայ քաղաքական կուսակցությունների, և թե՛ հասարակական մտքի ոլորտներում:

Դաշնակցականներն ու հնչակյաններն այն տեսակետին էին, թե Եվրոպան կգրադվի հայերի հարցով, եթե ցույցերով ու ելույթներով նրանց ուշադրությունը հրավիրվի: Նրանք հեռու էին համաժողովրդական ապստամբություն կազմակերպելու, հայ և մյուս ճնշված ժողովուրդների ուժերով թուրքական բռնապետությունը տապալելու միակ ունակ ուղուց: Դրա համար նրանց այս-

125 ՏՃ՝ «Генюинд армян...», стр. 140.

126 ՏՃ՝ նույն տեղում, էջ 141:

127 Նույն տեղում:

կամ այն տեղում կազմակերպած պատահական ելույթները հանգեցնում էին արկածախնդրության և նորանոր շարիքներ բերում հայ աշխատավորների զբաղմունքին:

Ազգայնական կուսակցությունների ղեկավարները, գտնվելով Արևմտյան Հայաստանից դուրս, վատ պատկերացում ունեին նրա տնտեսական, քաղաքական և ազգագրական վիճակի մասին: Հնչակյան գործիչ Խանազատը նշում է, որ անգլիական հյուպատոսների վիճակագրական տվյալներն իրենց միանգամայն անակնկալի բերեցին. «Զէ որ մեզնից և ոչ մեկը,— գրում է նա,— Հայաստանում չէր եղել և ոչ ոք չէր էլ զբաղվել այդ երկրի ժողովրդի մարդահամարով»¹²⁸:

Ավ. Նազարբեկը հետին թվով հանդես եկավ ժնշկյան պիտի լուծել Հայկական հարցը» գրքույկով: Այստեղ նա առաջարկում է քրդերին ևս մտցնել հայկական ինքնավարության մեջ և ապա ենթադրություններ անում հայկական նահանգների վերաբաժանման մի նոր ձև ստեղծելու շուրջը, որտեղ իբր թե հայերի մեծամասնությունը ապահովված կլինի: Այդ բոլորը հեռվից դիտողի ենթադրություններ էին միայն: Իրականում, երբ ազգայնական կուսակցությունների ներկայացուցիչները ներթափանցում էին այս կամ այն վայրը, ապա բնակչության մեջ անիմաստ, անօգուտ կոփմներ էին հրահրում:

Հակասություններ կախին ոչ միայն քաղաքական կուսակցությունների ու տարրեր խմբավորումների միջև, այլ նաև զավառահայություն և քաղաքների միջև: Գավառահայությունը բողոքում էր այն բանից, որ արտասահմանից ստացված զենքը, ռազմամթերքը և դրամը մնում են քաղաքներում: Գեռավելին. արտասահմանից եկած գործիչների մեծ մասը մնում էր քաղաքներում՝ գաղափար չունենալով զավառահայության վիճակի ու պահանջների մասին: Ամեն անգամ Անգլիան որպես հակադրելու միջոց, շատ վարպետորեն էր օգտագործում Հայկական հարցը, երբ նա նոր պլաններ էր կազմում Թուրքիայի հաշվին իր բռնագրավումները իրականացնելու:

1894—1896 թթ. անգլիական դիվանագիտությունը ցանկանալով թուլացնել Ռուսաստանի ազդեցության ուժեղացումը հայկական շրջաններում, նորից հանդես եկավ հայերի «պաշտպանի» դերում: Անգլիական կառավարությունը նպատակ էր դնում հայերի օգտին իր միջամտությամբ վախճանել սուլթանին, որպեսզի ստիպի նրան հաշտվելու եզրիպտոսի օկուպացման փաստի հետ... Այսպիսով նա հույս էր դնում նորից Թուրքիային ենթարկել անգլիական ազդեցությունը»¹²⁹:

Կիպրոսի և Եգիպտոսի բռնագրավումից հետո Անգլիան ապահովեց իր հեղիական գաղութները տանող ծովային ճանապարհները և խնդիր դրեց իր ձեռքը գցել նաև Փոքր Ասիան, այդ թվում նաև Արևմտյան Հայաստանը¹³⁰: Սակայն այդ բոլորը անգլիական դիվանագիտությունը կատարում էր մեծ վարպետությամբ: Իր նպատակները թաքցնելու համար խոսում էր Օսմանյան կայսրության անձեռնմխելիության մասին, իսկ իրականում առաջնորդվում էր Պալմերստոնի ցինիկ հայտարարությամբ, թե՛ Անգլիան չունի մշտական բարե-

¹²⁸ «Հայրենիք», № 6, 1929, էջ 137:

¹²⁹ «История дипломатии», т. II, стр. 119.

¹³⁰ Selye E. K. Саркисян, Политика Османского правительства в Западной Армении, стр. 157.

կամներ ու դաշնակիցներ, այլ ունի միայն մշտական շահ, որը պետք է բոլոր միջոցներով պաշտպանել¹³¹։ Երբ պետք էր, անգլիական զինանագետները թուրք փաշաներին ներկայացնում էին որպես բարի ընդհներ, «բրիտանյաներին հովանավորողներ», ջանքեր չէին խնայում Ռուսաստանի ազդեցությունը Արևմտյան Հայաստանում թուլացնելու համար¹³²։ Իսկ Արևմտյան Հայաստանին իրոք կռվախնձոր էր դարձել։ Եթե Ռուսաստանն ուզում էր հայկական վիլայեթները միացնել իրեն, ապա մյուս տերությունները՝ Անգլիան, Գերմանիան, Ֆրանսիան ձգտում էին Արևմտյան Հայաստանը պահել թուրքիայի կազմում, ուժեղացնելով այնտեղ իրենց ազդեցությունը։

Կոտորածներից տուժած հայերին օգնելու համար կաղամկերպվեցին Շոտլանդիա-հայկական ընկերություն և այլ բարեգործական կազմակերպություններ, որոնք հետապնդում էին հայկական շրջանակներում ուժեղացնել անգլիական ազդեցությունը։ Սակայն հայերի նվիրվածությունը Ռուսաստանին աներկբայելի էր և հետևողական։ Նրանք ազատության հույսը կապում էին միայն Ռուսաստանի հետ։ Հայ գործիչները հայտարարում էին, որ «հայերի վիճակը կփոխվի միայն այն ժամանակ, երբ նրանց երկրամասը կզբաղվի ռուսական զորքերի կողմից»¹³³։ Ռուսաստանի զինվորական զործակալ Ն. Նրմոլովը 1895 թ. հոկտեմբերի 25-ին Լոնդոնից հաղորդել է հայ ակնավոր գործիչներից մեկի հետևյալ խոսքերը. «Մենք Անգլիայի գործիչը չենք, այլ մեր զբոսախառնության ու ցավերի գործիչն ենք։ Թուրքական առակն ասում է. «եղզվողը բռնում է օձից»։ Հայերը լավ էին հասկացել լորդ Դեֆֆերինի Կոստանդնուպոլսում արտասանած խոսքերը. «Անգլիան կարող է միայն նավատորմիով օգնել, իսկ նրա նավատորմիչը Նոյի տապանը չէ, որ կարողանա կանգ առնել Արարատի վրա»¹³⁴։ Ցարական կառավարությունը սարսափում էր հայերի ազատագրական պայքարից և այն վարակիչ օրինակ էր համարում Անդրկովկասի իր հպատակների համար։ Այնուհանդերձ հայ ժողովրդի իր ազատագրության հույսը կապում էր Ռուսաստանի և ռուս ժողովրդի օգնության հետ։

Հայերը ամբողջովին նվիրված էին Ռուսաստանին, սակայն ցարիզմի երկդիմի քաղաքականությունը, այն ժամանակ Բ. Դոմեր հովանավորելու գիծը հրաաթափություն էր առաջացնում ազատության կարոտ հայ ժողովրդի մեջ։ Հայկական կոտորածների ժամանակ ցարական զինանագիտության ամբողջ ուշադրությունն ուղղված էր Հեռավոր Արևելքի վրա, դրա համար էլ նրանք հայերի պատճառով չէին ցանկանում միջամտել Թուրքիայի գործերին։ Դեռ ավելին. ռուսական զինանագիտությունը սուլթանի հայաչինջ քաղաքականության դեմ բարձրացող շարժումը որակեց որպես «միջազգային հեղափոխության մի մասը, որը պետք է ճնշել հենց սկզբում»¹³⁵։ Ցարիզմը ձգտում էր Արևմտյան Հայաստանը դրավել, բայց վտանգ էր զգում, որ հայկական շարժումները կտարածվեին Անդրկովկասի ռուսական տիրակալության շրջաններում։ Դրանով է բացատրվում Լորանով-Ռոստովսկու լատի հայտարարությունը, «Մենք ուզում ենք Հայաստանը, առանց հայերի»։ Մեկ ուրիշ անգամ նա

131 Տե՛ս А. С. Ерусалимский, Внешняя политика и дипломатия германского империализма в конце XIX в., М.—Л., 1948, стр. 283.

132 Տե՛ս Е. К. Саркисян, Եղված աշխ., էջ 158։

133 Նույն տեղում, էջ 165։

134 Նույն տեղում, էջ 166։

135 А. С. Ерусалимский, Եղված աշխ., էջ 305.

ասել է. «Մենք չենք ուզում հայկական Բուլղարիա»։ Ռուսական սահմանազրկում ինքնավար Հայաստան ունենալը ևս հաճելի չէր ցարիզմին, բանի որ հայ ժողովրդի ազատասունչ ոգին սարսափ էր ազդում բոլոր բռնակալներին։ Ահա թե ինչու բուլղերենը, մերկացնելով լուրանով-ռուստովսիկներին, զրել են, որ ամբողջ Եվրոպան համոզվեց, «Արդու Համիդի այսպես ասած բարեհոգության մեջ, որը մորթուեց հայ ժողովրդից 300 հազ.»¹³⁶։ Ցարիզմը, սակայն, չէր հասկանում, որ «կոտորելով հայերին, Արդու Համիդը ոչնչացրեց ռուսական ուժերը, ռուսական համակրանքը», — գրում է Ա. Ամֆիտեատրովը¹³⁷։

Այսպիսով, ցարական զիմանապիտության այդ քաղաքականությունը շատ վտանգավոր էր ու հայ ժողովրդի համար ճակատագրական հետևանքներ ունեցավ։

Գերմանական իմպերիալիզմը, հատկապես Վիլհելմ երկրորդի Թուրքիա ժամանելուց հետո, բաց ի բաց պաշտպանում էր Արդու Համիդի ցարդարարական քաղաքականությունը։ Թուրքիան մեծ տերությունների միջև աճող հակամարտությունների պայմաններում իր փրկության հույսը կապում էր կալվերական Գերմանիայի հետ։ Այդ հակասություններից Արդու Համիդը խորամանկորեն սկսեց օգտվել, հատկապես Հայկական հարցի ծախսողման դործում։

Սկսած 1882 թ. թուրքական բանակի վերակառուցումն ու զինումը իր ձեռքը վերցնելով, կալվերական Գերմանիան մեծ քանակությամբ ռազմական պատվերներն ստացավ և թուրքական շուկայում իշխող դիրք զբաղեցրեց։ Թուրքական բանակի զինելով Ռուսաստանի դեմ, Գերմանիան միաժամանակ ձգտում էր նրան սահմանակից Արևմտյան Հայաստանի էկոնոմիկայի և առևտրի բնագավառում ևս իր ազդեցությունը տարածել։ Սակայն թե՛ ամբողջ Փոքր Ասիայի տնտեսական կյանքում և թե՛ սպարանքափախանակության ասպարեզում, հայերը կարևոր դեր էին խաղում։ Այստեղից էլ գերմանական իմպերիալիզմը չկարողանալով հանդուրժել իրեն դիմադրող և Ռուսաստանին նվիրված այդ ուժը, Թուրք ցարդարարների ձեռքով սկսեց ծրագրեր կազմել հայկական այդ ըմբոստ ու գործարար տարրից օր առօրե ազատվելու համար։ Կառուցելով Բաղդադի երկաթուղին, Գերմանիան նպատակ էր դնում Փոքր Ասիայի միահեծան տերը դառնալ։ Սկսեց արվել մեծ տերությունների, հատկապես Անգլիայի և Գերմանիայի, ինչպես նաև Անգլիայի և Ռուսաստանի հակամարտությունը։ Բեռլին-Բաղդադ դիժը պատենշ էր ստեղծում Ռուսաստանի առջև և սլաքը ուղղում էր դեպի Հնդկաստան։ Գերմանիան Եվրոպայից Ասիա մեկնվող կամրջի տեր ու տիրական էր դառնում, որը խոշոր հարված էր մեծ տերություններին։

Նման վիճակը, անկախ գոյություն ունեցող հակասություններից, ստիպեց Անգլիային և Ռուսաստանին, իրար հետ մերձենալու։ Բաղդադի երկաթուղու կառուցմանը Անգլիան բաց ի բաց հակադրվեց՝ 1903 թ. հրաժարվելով մասնակցել նրա ֆինանսավորմանը։ Ռուսաստանն ու Ֆրանսիան ևս կանգնեցին Անգլիայի դիրքերում։

Գերմանիան իր զավթողական պլաններն իրագործում էր Թուրքիային հովանավորելու և պաշտպանելու պատրվակի տակ և վճռականապես դեմ էր

136 «Рабочая правда», 27 июля 1913 г.

137 Ա. Ա. Ամֆիտեատրով, *Ելված աշխ.*, էջ 39։

հայերի վիճակը բարելավելու համար բարենորոգումներ անցկացնելուն, քանի որ նրանք ծրագրում էին իրենց տիրապետությունը հաստատել ամբողջ Օսմանյան կայսրության նկատմամբ: Հայկական շարժերի ժամանակ Գերմանիան ամեն կերպ հրահրում էր Անգլիայի և Ռուսաստանի ընդհարումը, ցանկանալով թուլացնել նրանց դիրքերը Թուրքիայում և ինքը տիրապետող դիրք զբաղել: Իսկ հայկական շարժերը գերմանական դիվանագիտությունը համարում էր արյունոտ սուլթանի «իրավունքն ու սուվերենն պարտականությունը»¹³⁸,

Այսպիսով, կայզերական Գերմանիան ոգեշնչում և պաշտպանում էր Արդու Համիդի ջարդարար քաղաքականությունը, հայերին ոչնչացնելու, կամ թե անապատները քշելու և Բաղդադի երկաթուղագծի վրա որպես աշխատող ուժ օգտագործելու, որպեսզի մեկընդմիջտ վերջ տրվի հայկական սեպիև և Ռուսաստանի միջամտությանը:

Թուրքիայի անձնոնմխելությունը և սուլթանի գահը բոլոր միջոցներով պաշտպանում և Հայկական հարցը զոհաբերում էին իրենց շահերին ֆրանսիական իմպերիալիստները: Թուրքական կառավարության 143,2 միլ. թուրքական լիր կազմող պարտքի 62,9 տոկոսը պատկանում էր ֆրանսիական բանկիրներին, դրա համար էլ նրանք չէին ուզում հայերի պատճառով սուլթանին պատերազմի մեջ քաշել¹³⁹, նրանց ավելի շուտ հետաքրքրում էր այդ պարտքերի գանձումը, քան հարյուր հազարավոր հայերի բախտը, քանի որ Թուրքիան շատ հարմար էր ֆրանսիական կապիտալի տեղադրման համար, որտեղից նրանք կորզում էին հսկայական շահույթ: Ֆրանկո-անգլիական կապիտալի վրա հիմնված Օսոմանյան բանկը իր հսկողության տակ էր պահում Թուրքիայի պետական ֆինանսները: Դրանով էր բացատրվում այն փաստը, որ ֆրանսիական հյուպատոսները Դամասկոսում, Հալեպում, Բեյրութում, Տրապիզոնում և փոխ-հյուպատոսները էրզրումում, Վանում, Սվասում և Դիարբեքիրում ընդհանուր ուղղություն էին տալիս անտեսական ու քաղաքական գործերին: Նրանց դերը մեծ էր նաև կուլտուրայի ու լուսավորության բնագավառում:

Այդ բոլորի նպատակն էր ուժեղ գիրքեր զրավել ամբողջ Թուրքիայում և հատկապես Արևմտյան Հայաստանում և թույլ չտալ Ռուսաստանի կողմից այն գրավելուն: Ֆրանսիացիներն աշխատում էին իրենց կողմը զրավել հայերին Արևմտյան Հայաստանում և Կիլիկիայում: Միսրոնեական կազմակերպությունները հայերի մեջ կաթոլիկություն տարածելու համար գործադրում էին բոլոր միջոցները: 1894—1896 թթ. շարժերի ժամանակ հայերին օգնելու նպատակով ֆրանսիայից մեծ շափով հանգանակություն էր ուղարկվում և այն օգտագործվում էր հայերին հավատափոխելու նպատակով: Նրանք բացեիբաց հայտարարում էին, «միայն կաթոլիկները կարող են օգտվել մեր հովանավորությունից և պաշտպանությունից... Դարձեք կաթոլիկներ. ձեր բոլոր զեփ-բախտությունները կանհետանան»¹⁴⁰:

Ֆրանսիական իմպերիալիստների Արևմտյան Հայաստանում կոնցեսիոն կարգով երկաթուղագծի և խճուղային ճանապարհների կառուցելու մտադրությա-

138 А. С. Ерусалимский, *Измаб аџа*, էջ 235.

139 А. Д. Новичев, *Очерки экономики Турции до мировой войны*, М.—Л., 1937, стр. 228.

140 ՌԱՔԱ, Ֆ. *Ենտանդնուպուրի դեսպանություն», գ. 235, ք. 43:*

նր խանգարեց 1900 թ. Բ. Դուան և Պետերբուրգի միջև կնքված համաձայնագիրը, որով արգելվում էր Արևմտյան Հայաստանում երրորդ պետության կողմից ճանապարհների կառուցումը: Ռուսաստանն իր կողմից պարտավորվում էր արգելել մասսայական ջարդերի ժամանակ Արևմտյան Հայաստանից Անդերկովկաս փախած հայերի վերադարձը հայրենիք:

Ամերիկյան իմպերիալիստները ևս տեղի բնակչության մեջ իրենց տնտեսական և քաղաքական ազդեցությունն ուժեղացնելու նպատակով, սկսած XIX դարի առաջին կեսից միսիոներական գործունեություն ծավալեցին Թուրքիայում, հատկապես Արևմտյան Հայաստանում: Ամերիկյան միսիոներների հատուկ կենտրոններ էին ստեղծվել էրզրումում, Վանում, Խարբերդում, Բիթլիսում, Այնթափում, Մարաշում և այլուր: Հրապարակվում էին նաև մեծ քանակությամբ միսիոներական գրականություն, թերթեր, ամսագրեր և այլն: Միայն Վանում ստացվում էր 45 օրինակ նման հրատարակություն¹⁴¹:

Արևմտյան Հայաստանի նկատմամբ ԱՄՆ-ի իմպերիալիստների պլանների մասին Ջոն Ռիդը ասել է. «Ամերիկյան կապիտալիստները ցանկանում են հայերի վստահությունը գրավել, որպեսզի իրենց թաթը դնեն Հայաստանի վրա և շահագործեն հայ ժողովրդին: Հենց այդ նպատակով էլ ամերիկյան միսիոներները դարձնում են հիմնել Մերձավոր Արևելքում»¹⁴²:

ԱՄՆ-ը բազմիցս հանդես է եկել ի պաշտպանություն Օսմանյան կայսրության «անձեռնմխելիության», դատապարտել սուլթանական բռնապետության դեմ ուղղված ազգային-ազատագրական շարժումները, ամեն կերպ ձգտել այն դարձնել իր ազդեցության շրջան: ԱՄՆ-ի միսիոներները բորբոքում էին կրոնական գծովություններ, կասեցնում ազատագրական շարժման ամեն մի փորձ:

1894—1896 թթ. հայկական կոտորածների ժամանակ ԱՄՆ-ի իմպերիալիստները շահարկում էին հայ աշխատավորի արյունը Թուրքիայում իրենց դիրքերը ամրապնդելու համար: Այդ նպատակով ԱՄՆ-ի կառավարությունը պահանջեց Թուրքիայից հատուցել ջարդերի ժամանակ ամերիկյան միսիոներների կրած նյութական վնասները և անմիջապես Ոսկեղջյուր ծոցը ուղարկեց «Կենսոտկի» զբահանավոր: Ռազմական ուժի ճնշման տակ սուլթանը համաձայնվեց վճարել 95 հազար դուլար տուգանք և տրամադրել երկաթուղիների կոնցեսիա:

Այսպիսով, մեծ տերությունները շահագրգռված էին Թուրքիայում ամրապնդել իրենց տնտեսական ու քաղաքական դիրքերը, որին հասնելու համար կանգ չէին առնում և ոչ մի միջոցի առջև: Իմպերիալիստների այդ անհագուրդ շահերի զոհ դարձան հարյուր հազարավոր հայ աշխատավորներ: Մեծ տերությունների թաղութության պայմաններում անօգնական հայ ժողովրդի վիճակը գնալով ավելի վատացավ:

8. ՀԱՅԳՈՒԼԱՅԻՆ ՇԱՐԺՈՒՄՆԵՐԸ 90-ԱԿԱՆ ԹՎԱԿԱՆՆԵՐԻ ՎԵՐՋԵՐԻՆ: ԱՆԴՐԱՆԻԿԻ «ՄԱՐՏԱԿԱՆ ՀՐԱՀԱՆԳՆԵՐԸ»

Հայդուկային շարժումը Թուրքական բռնակալության դեմ Բալկաններում (չեթենիկների) և Արևմտյան Հայաստանում (ֆեղալիկների) ազգային-ազատագրական ու գյուղացիության դասակարգային պայքարի յուրահատուկ ձև էր:

141 Տե՛ս E. K. Саркисян, *նշված աշխ.*, էջ 196.

142 «Первый съезд народов Востока. Стенограф. отчет», Петроград, 1920, стр. 123.